

寶豐縣志卷之

寶豐縣知縣李仿梧纂輯

列女志上

昭代於貞孝節烈之婦女罔弗錫庫鏹榮以綽楔邑舊志所錄有未邀異數者道光十二年奉憲檄與新採訪一體且題彙摠坊多至四百餘氏茲因修志諭令士民加意稽察復得若干人脩錄於志俟爲續請陳奏唐儒李習之傳高愍女曰賞一女子而天下勸亦王化之大端也況

聖朝旌禮如此之隆乎風化陶淬習俗懋美宜爲堯舜三代盛時所未有矣

明

祁采兒

商酒保人成化十一年許聘劉裕未娶裕卒采兒同母往弔卽柩旁哀慟幾絕旣歸遂自縊合塋劉裕墓知縣

朱銓

嘉其貞烈命蠲本戶差徭春秋致昨於其家

田氏

坊廊里民田福女賦性貞靜適同里蔣洪年二十四洪逝生子甫三歲氏撫孤苦志享年七十餘知縣許可久以其

事聞奉敕

旌表

竇氏

商酒保人任敬妻年二十四夫亡乏嗣氏以翁姑無依誓不再適奉養迄督婦守四十餘年汝州知州沈貴奏請

旌表

李氏

陂北保人苗距村年二十歲顯以疾故氏甘貧守節奉養舅姑人皆美其節孝

孫氏

陂北保人姜滿妻娶二年滿故氏方十九遺孕生一子勵志撫子守節五十餘年如故未銓嘉其節蠲其徭役自春

秋致昨於其家

袁氏

石渠里人劉原妻娶三年原故氏方二十五生一子在撫誓不再嫁撫孤成立孀守四十餘年知縣謝永年賚之粟

阜

李氏

坊廓里人丁鑑妻鑑故氏甫二十自持節概孀守六十餘年節儉成家知縣謝永年嘉其行免本戶差役

丁氏

坊廓里人生員丁亨女生員董英妻也正德辛未十二月十八日流氓賊趙鑑等破寶豐丁氏避密室從容女工賊碎

其戶裡入欲携之去氏大罵持剪刀刺賊面賊怒以刃脅之氏尋刀自斷其喉賊仍以刃劈氏額塗腦於地衆卒聞之驚報自首趙鑑斃方與群賊飲大聲曰好事我起兵來未聞有北道之郡賊往弔具其事作祭文羅拜成禮贈白金五定以資廷生索元惡王昌邊於於宣化坊下遂出令凡士夫之家不許一人犯者斬以駐闔邑士夫家俱得保全事聞奉旨生員董芳妻丁氏不受賊辱貞烈可嘉著有司旌表邑官劉奎作自弔之有赴死甘爲刀下鬼偷生羞見鏡中鸞婦人樣子原有此留與人問仔起看之句

劉氏

安樂里人知縣劉奎孫生員劉存省女增廣生員鞏樞妻娶入年樞病故劉氏方二十五歲生二子堅心苦度撫育

長子治易入庠守節四十九年時人稱其貞
淑萬歷二十九年建儲恩賜羊酒果蔬旌表

李氏歲貢生徐淳妻文旆文旆之母正德六年十二月薊賊破
寶豐氏恐為賊辱遂投井時力有孕即文旆也人皆以為

死矣賊退救出復甦默有神助學使葛守禮
聞之給匾於門縉紳名公皆贈詩文以美之

葉氏坊三里人廩生李綉妻榜病故遺母姜氏獨在堂氏方
二十四歲生二子時憲時化俱幼氏紡績奉姑哀毀踰禮

且撫二子成立苦節四十
八年巡按徐具奏旌表

焦氏葉氏次子庠生李時化妻時化亡遺孤在抱氏方二子事
姑訓子後子攀入泮成立與姑嫜葉氏洵稱雙節巡按俱

奏旌表

陳氏懷一里人喬多妻多病故遺三子曰樸曰楷曰柁俱幼氏
方二十六歲矢志持苦訓樸入庠鄉人稱服無間言無按

並旌其門

田氏邑民姚政妻夫亡守節
終身奉教建坊旌表

段氏

王登妻登早卒遺子賓及偉氏課子成立賓失偶遺孫之晉之觀氏更含節鞠養教之晉舉進士之觀薦明經偉子

之復之升亦俱入庠後蒙

旌表之晉又以掌科疏請賜封

登文林郎氏孺人兵憲范承祖贈詩云匪石爲心血淚渾空

房机杼弔孤魂九能頻剪三更火育鶯誰分半菽飡慈竹班

班抽玉笋靈芝奕奕傍榮萱鸞章蝶躐花封日百折分明子

孫又

孫氏

鄭嘉祥妻生男寢昌甫八歲嘉祥卽世氏年甫二十餘時里中豪橫欺其孤孀因產構訟氏外而禦侮內而教子公

姑之喪躬自負土以窆厥事後寢昌以魯山籍甲子

舉於鄉官至戶部郎中封氏太孺人享年八十有四

王氏

汝州進士任楓妻名編性敏悟喜讀小學列女傳手書成帙崇禎辛巳舉家遷寶豐未幾城陷氏被執罵賊死

劉氏

白永昌妻年二十孀居上事七十翁姑下撫三齡孤子槽糠自厭壁光苦績教子三陽成名膺歲薦孫江之漢之亦

食饌泮宮五十年孝慈苦節聞者無不嘆賞蒙詔旌表

丁氏

廩膳生員李文炳妻炳早卒氏撫二子培增皆入庠以節終身

宋氏

何東泉妻泉亡氏方二十三歲遺子應龍甫四歲應龍甫一歲氏水操矢志撫育二子成立應龍登歲薦任寧遠知

縣

惠氏

庠生李瑤妻瑤弱冠亡上遺老母下遺孤兒氏勤苦紡績事姑撫幼守節四十餘年後子青華人庠成立蒙詔旌

表

章氏

張捷妻年二十餘夫亡氏清苦持操撫子永光永祚永爵次第入庠守節四十餘年後蒙旌表

徐氏

生員李含華妻華於崇禎十三年病故氏年甫十九苦節五十年教子道濟入庠

國朝

李氏

廩生王馮妻馮弱冠卒氏方十九歲遺幼子知思甫二歲氏斷髮書屏自誓守志教子知思以貢生任南陽教授康

熙二十五年旌表

鄭氏

廩生吳侗妻守節四十年雍正二年旌表

王氏

拔貢吳臯妻守志二十三年年五十卒氏爲邑禮法家在諸姊妹中更爲修謹勞居苦節食飭若寒素雍正二年

旌表

鄭氏

王蓋臣妻守志三十年雍正二年旌表

王氏

生員牛景孺妻守志五十年雍正三年旌表

董氏

廩生何羽翹妻翹亡氏年二十五守志二十二年卒氏以何董先世俱有節媛懼玷家聲其孀居最以禮法自謹雍正三年

旌表

任氏

李汝念妻夫亡年二十八歲守志三十年氏汝州進士中書楓之女楓遠近稱硯莊先生者氏幼嫻家法婦道無違

孀居益謹雍正

五年

旌表

李氏

生員姬纘武妻夫亡年二十五守志三十年雍正三年旌表

劉氏

李斯羽妻夫亡年二十三歲守志三十年雍正三年旌表

吳氏

生員王琚妻夫亡氏年二十七歲
守志四十三年乾隆元年旌表

王氏

張懷德妻住八里張家庄年二十五夫亡姑老遺子在抱
家亦貧甚氏紡績供菽水以終餘年教子顯嗣慎交遊務
本業三十年貞守同里咸爲嘆美當事
請旌而顯嗣又殯納主於祠觀者傷之

劉氏

彭景韓妻夫亡氏年二十五矢志撫孤備嘗艱苦越三十
年乾隆三年知縣申請題秦氏知之悲感語其子璽曰匹
婦細行何足寵異爾其務本力農謹身修行並戒爾子孫爲
鄉里好人是卽所以報國恩也士大夫聞之稱其循分而

達大

義云

牛氏

儒童丁之平妻年二十一夫亡子方一歲氏矢志甘貧奉
養舅姑訓子成立守節五十餘年巡撫題奉旌表

韓氏

邑氏溫保兒妻自幼童養保兒誓且啞氏甘心相隨成婚十
八年夫妻和好有子有女雍正十二年三月繼姑趙氏前

夫之子王成兒自襄城來趙氏留之助耕種五月九日夜成
兒窺保出外乘涼入氏室求懽氏喊罵趙氏聞之往視成兒

奔出氏氣憤自縊知縣訊
得實隨案奏准旌表

畢改姐

邑民畢永成女年十七未嫁永成爲陳永吉佃戶乾隆元年五月十七日永成夫婦赴田留女守舍永吉乘間

調戲改姐扼鼻永吉奔去改姐哭告父母誓不欲生父母力勸防守至六月一日竟自縊知縣訊凶申報隨案奏准旌表

洪氏

儒童黃懋賞妻年二十八茹苦守志乾隆四年旌表

張氏

儒童李元靜妻年二十適靜未幾靜卒氏誓不欲生舅姑百方勸慰爲立嗣子因後因瞽廢又爲立子向氏孝養姑

舅教育二子苦守三十
八年乾隆二年旌表

王氏

學生杜祚偉妻偉卒氏年方艾守節三
十年乾隆四年撫院雅題奏旌表

宋氏

儒童李作梅妻貢生宋師呂女歸一載作梅卒形神瘠毀家人懼其以身殉氏施遺孤子容哭謂之曰夫亡只此弱息

願撫育以承夫嗣其達義如此事姑蘭氏十一年供膳浣衣與梅存日無異以嚴正教子不事姑息治家勤儉有法內外

肅然乾隆八
年旌表

李氏

儒童王理得妻年二十五夫故翁亦相繼逝氏孝養衰姑姑沒哀毀骨立教子碩方嚴每以親正士遠匪僻爲誠凡

夫姊妹之子女無告者撫養如已出宗族義之守節逾三十年撫院題奏旌表

王氏

崔梅妻王清之女年十九梅卒氏毀容矢志保育遺孤以綿夫嗣苦守三十年兩院彙題請旌

陳氏

何而溫妻魯山太學陳仁室女十七于歸七載溫故氏奉事舅姑菽水盡歡訓子芳早歲成名撫院彙題請旌

傅氏

儒童杜祚延妻夫亡氏年二十三孀居守志勤勤女工孝事舅姑乾隆五年旌表

王氏

滎陽貢生項城訓導何羽鳳妻魯山王乘時之女毓德儒門年臻大耋姐姻矜式乾隆元年邑人公舉入瑞閨秀知

縣唐永彰申請撫院學院甫擬具奏而氏卒人心惜焉以上見陽志

孫氏

姬纘妻居城中年十八歸纘二十九夫故守節三十年乾隆十二年旌表

劉氏

孫宜祥妻住寶三里龍泉寺庄年十七歸宜祥甫又二載而寡姑常患疾氏奉湯藥夜眠姑側數月不懈族黨稱其

孝守節五十二卒乾隆四十九年旌表

路梅姐

住寶六里曹鎮路山之女年十六隣人魏珩狎
梅姐忿扼自縊死乾隆四十六年旌表

何氏

郭玉道妻住寶七里太平村已故生員何有嚴之女十八
于歸四年夫歿無子舅姑衰老庶母生子養源幼氏事舅
姑敬謹始病氏籲天請代撫叔養源延師訓誨賴
以成立守節三十二年乾隆五十九年旌表

邱氏

易文舉妻十八歲歸文舉四載夫故
矢志守節三十年乾隆九年旌表

賀氏

褚文蘭妻十六歲歸文蘭二十三歲夫故守節三十八年
奉翁姑甘旨不缺經營殯葬鄉里稱之乾隆十二年旌
表

張氏

孫振妻歸振二載夫故氏年二十二守節三十二年事
舅姑孝敬盡禮鄉里奉以爲式乾隆十八年旌表

吳氏

吳嘉寧妻十八歲歸嘉寧夫故氏年二十九守節五十
八年壽八十六歲撫幼子成立乾隆十八年旌表

趙氏

王麟妻歸麟十二載夫故氏年二十九
守節三十二年乾隆二十八年旌表

關氏

劉鐸妻氏農忙時舉家耕穫氏獨處狂暴者欲汚之氏峻拒
喊罵鄰人應之得免氏告其姑卽自經死當事奏請旌表

王全姐

里民王煥女年十七許字胡姓子鄰人王振狎之羞忿自經死乾隆四十八年旌表

趙氏

王麟妻居寶八里年十八適麟閨二載夫故苦節三十餘年乾隆二十九年旌表

趙氏

王翠峰妻居寶八里年十六歲歸峰閨二載夫故氏哀毀骨立誓從地下翁姑以夫嗣未立勸止克盡孝道取姪紹

蘇爲嗣乾隆己酉年

旌表

以上見陸志刪除重複之白

濬妻李氏何思琳妻栢氏二名

道光十三年知縣李衍梧詳請

旌表節烈婦女四百三十

氏彙建摠坊內補請舊志未荷

旌表者一百七十六氏紳

士採訪者二百五十四氏

舊志一百七十六氏列左

馬志二十二氏
陸志一百五十四氏

蘇氏

陳運妻翁病不食者數日忽半夜呼肉蘇矍然曰神其啓我乎割左股以進翁啖之卽愈

謝氏

陶之棟妻年二十歸陶三十歲夫亡謝謹事舅姑歷四十年不懈舅母語人曰有婦如此吾子不亡矣年逾七十始

有嗣子以義方爲訓
不事姑息家法肅然

章氏

張淑德妻年二十而寡遺孤二齡夫之祖父母父母俱存氏以孤身生事死葬撫子訓孫歷四十六年堅貞彌著

張氏

王起龍妻年二十六夫亡張奉事舅姑晨夕弗懈後舅姑幽歿祭葬盡禮無子撫義子爲子恩勤鞠育逾於所生守

節三十
四年

陳氏

張問士妻年十九歸張二十一歲夫故誓死靡他家赤貧其養舅姑皆從十指出也撫子成立督課最嚴苦節三十

載

朱氏

易祥妻年十八歸易夫亡二子幼氏冰潔自持教養二子長慎言次慎修雖業農以母教皆長忠厚實事母以孝聞

兄弟亦極友愛人以爲是母是子右鄰撫雅中州彰善錄

高氏

里民岳光奉妻奉亡氏年二十三苦節三十年撫子景霄入庠學院張旌其門

王氏

庠生張珮妻夫故氏年二十七始劉氏年六十餘一子問明尙幼氏養姑送終訓子入庠家法嚴正守節數十年學

憲張表
其門

黃氏

儒童張爾恭妻恭故氏年二十三善事翁姑奉湯藥朝夕不懈訓子素學入庠鄉黨稱之學憲張表其門

王氏

增廣生員李徽典妻夫故嚴謹自操善事舅姑曲盡婦道學憲張表其門

杜氏

石渠保東留村人李春榮妻春榮早卒氏矢志守節善事翁姑撫育幼子學憲潘表其門

陳氏

儒童宋長全妻夫亡守節撫二子鉉鏡成立學憲張表其門

何氏

儒童宋語妻十九歲夫故守節歷三十三年學憲張表其門

陳氏

儒童張鼎妻二十歲夫故守節歷三十八年學憲張表其門

霍氏

緱世法妻郭氏緱世澤妻郭氏緱世海妻一門三節學憲張旌之

張氏

儒童閑立漢妻年二十二夫故無所出取姪繼之姪卒又取姪孫繼之苦節四十二年學憲張表其門

任氏

儒童王賀妻歲貢生寅亮之子婦也歸賀三載賀卒遺一子尚在襁褓亮卧病經年氏淚無乾袂絕不使亮知後亮

愈子亦強步亮爲孫講列女故事氏聞而痛曰大人教孫乎以勗我也至小祥陳祭自縊鄰里悲悼事聞州守趙霖請表

其門

宋氏

胡永福妻夫亡守節學憲張表其門

張氏

庠生劉亮妻亮卒氏年二十七守節四十年學憲潘表其門

百氏

武生何思休妻夫亡氏年少守節白首完貞學憲表其門

李氏

何景唐妻年二十二夫故氏以姑年老二子俱幼矢志守節事姑極得歡心撫育二子有方貞守三十一學憲表

其門

張氏

李如蘭妻夫故翁姑年老氏奉養不怠及翁姑相繼沒祭墓如禮以姪爲嗣撫育成人撫院雅表其門以上易志

張氏

雷璠妻王松濤娶傳張氏贅十里邢庄八年二十適璠一日璠出有賊排闥入欲犯之氏叱曰汝何得無禮賊強逼

折其指體竟不可奪會村人聞至賊驚去氏仆地面血淋漓號於衆曰吾尚可活耶家人環守之氏給曰吾不死矣有間

卽投環以死

康氏

張顯先妻耿生太換墓誌畧云康氏居寶八里張生歸顯先事翁姑曲盡禮翁病危氏禱天求代翁果病間姑有宿

疾氏割臂肉

作羹進之愈

余氏

王誥妻汝州分州袁其梧換墓碑文云余氏居寶四里扈

夫有後矣數月舉女殤氏集族親爲夫立嗣會夫忌日往哭其墓曰君有靈耶吾今從君矣是夕竟投環而盡

楊氏

李格妻住寶一里格善病氏侍湯藥甚謹格病革恐氏他適氏曰君若不信請先死明志格危果投環而死

白氏

李千黛妻居城中年十八歸黛生一子三歲夫亡氏事姑孝教子乾六入庠督學王表其門

潘氏

監生李遐齡妻居城中歸一載遐齡亡無子氏撫姪爲嗣水蘖自甘奉翁姑動必循禮善篆書娛情經史有林下風

任全姐

住寶二里任家寨任永正之女年十八未適人摘蔬於園鄰人馬全挑之女忿自經死

劉氏

李九臯妻住二里泥河庄年二十三歲夫故姑歿舅老叔煥章幼氏養舅撫叔守節三十七年

丁氏

朱文炳妻住寶二里周家營初氏適文炳姑劉氏薄之乾隆十六年春始病家貧無醫藥資氏私割其股烹調以進病遂愈姑不知也命操白氏不能勝姑怒欲鞭之氏懼以實告不信迫視之姑始悔而愛氏

王氏

李守業妻住寶二里泥河庄年二十四歲夫故有子二舅姑早沒家貧依堂叔母紡績撫子守節六十年卒

薛氏

段秀妻住寶二里右安寧鄉年二十二歲夫故子建德幼家貧紡績撫孤守節四十五年

賈氏

任永年妻住寶二里任家寨年二十四歲夫故子選幼無孤成立守節三十六年

李氏

白璿妻住寶三里商酒務年三十夫故事舅姑盡禮米粟賙族黨巡撫尹布政使張學院張俱旌其門守節四十九

年卒立有

貞節坊

孫氏

趙全妻住寶三里牛家庄歸未逾月全亡家貧姑老矢志守節母家欲奪其志氏遂自縊死

杜氏

王功超妻住寶三里大營鎮年二十三夫故家貧事翁姑盡禮祖姑在堂痿痺不能動移杜扶將始終不懈兩弟妹

婚嫁亦經紀

其事現存